

CYNGOR CYMUNED LLANENGAN

RHEOLAU'R FYNWENT

Gofynnir yn garedig i bawb gydymffurfio â'r rheolau a ganlyn a luniwyd er hwylustod i bawb sy'n ymwneud â'r fynwent, yn arbennig y teuluoedd sydd â rhywun annwyl iddynt ynndi. Diolchir ymlaen llaw i bawb am gydymffurfio â'r isod.

Clerc y Cyngor neu berson a benodir i fod yn Arolygydd y Fynwent sydd â'r awdurdod i weithredu'r rheolau. Hefyd, gweithreda'r Clerc fel Trysorydd a pharatoi adroddiad ar ddiwedd bob blwyddyn ariannol. Pob taliad i'w wneud drwy'r Clerc.

Dylid rhoi o leiaf wyth awr a deugain (48 awr) o rybudd i'r Arolygydd ynglŷn â'r angen i gladdu yn y fynwent. Daw ei ddyletswyddau i ben am chwech o'r gloch bob nos Wener ac aildechreua ei waith am wyth o'r gloch fore Llun. Golyga hyn na chysyllta ymgymwrwr â'r Arolygydd dros y penwythnos. Nid oes gan yr ymgymwrwr hawl cysylltu â'r torrwr beddi cyn derbyn caniatâd gan yr Arolygydd.

BEDDAU

- Ni ddylid amgylchynu llain bedd newydd mewn unrhyw fodd.
- Ni werthir llain os na fydd angen ei agor yn syth ac ni ddylid agor bedd fwy na thri diwrnod cyn claddedigaeth.
- Maint beddrod yw wyth troedfedd o hyd, pedair o led ac wyth troedfedd o ddyfnder (8' x 4' x 8'). Bydd angen sicrhau union siâp/fesur yr arch.
- Yr ymgymwrwr fydd yn gyfrifol am holl waith y bedd, nid y Cyngor.
- Ni fydd y Cyngor yn gyfrifol am unrhyw niwed a achosir gan drydydd person.
- Ni chaniateir palu'r tir na phlannu unrhyw blanhgion nac ychwaith osod teganau, addurniadau na phlanhigion ar y gwair.
- Ni chaniateir defnyddio chwynladdwr.
- Mae'n ofynnol gwneud yr adeiladwaith priodol o fewn y bedd megis blociau/briciau ar hyd yr ochrau, gan gau drosto â slabiau rhag i'r tir suddo'n ormodol wedyn.
- Dylid claddu llwch yn y man arbennig a ddynodir ar ei gyfer gan y Cyngor. Dylai'r bedd fod yn mesur llathen sgwâr, dwy droedfedd o ddyfnder â lle i uchafswm o bedair cist llwch.

10. Cyfrifoldeb y sawl sydd â'r hawl i gladdu yno neu ei gynrychiolydd fydd cadw at reolau ac urddas y fynwent.

CLADDU

1. Bydd angen anfon rhybudd o gladdedigaeth at Clerc y Cyngor yn y cyfeiriad isod o leiaf dri diwrnod cyn y gladdedigaeth, ar wahân i achosion brys â thystysgrif meddygol. Mewn achosion o'r math yma yn unig y derbynnir rhybudd ar y Sul.
2. Yn dilyn derbyn caniatâd claddu gan y Clerc, dylai'r ymgymwrwr gysylltu'n uniongyrchol â G.D. Roberts a'i Fab, Pwllheli (torrwr beddau swyddogol y Cyngor) – Ffôn: (01758) 701107 – i drefnu torri/ailagor bedd.
3. Ni ddylid claddu cyn deg o'r gloch y bore nac ar ôl pump o'r gloch yr hwyr, oni bai bod amgylchiadau yn galw am hynny. Rhaid cael caniatâd arbennig i gladdu ar y Sul.
4. Cyfrifoldeb y torrwr beddau yw sicrhau y cedwir y rhesi beddi mor syth â phosibl.

GOSOD PENFEINI

1. Ni chaniateir naddu na thrwsio penfeini tu mewn i'r fynwent a bydd rhaid cludo pob deunydd at fedd neu gofadaill oddi yno rhag niweidio'r beddau.
2. Bydd gofyn anfon cynllun a disgrifiad o bob penfaen at y Clerc er mwyn i'r Cyngor ei ystyried. Ni ddylid gosod unrhyw benfaen heb, yn gyntaf, i'r Cyngor dderbyn ei chynllun. Dylid cyfyngu mesuriadau pob penfaen i ddwy droedfedd chwe modfedd o uchder a dwy droedfedd tair modfedd o led (2' 6" x 2' 3").
3. Rhaid rhoi rodau drwy'r cerrig beddi i lawr drwy'r fflagen i'r ddaear.
4. Dymuna'r Cyngor ei wneud yn gwbl glir mai cyfrifoldeb y teulu yw diogelwch y garreg a osodir ar fedd. Ceidw'r Cyngor yr hawl i fod â'r penderfyniad terfynol os yw carreg fedd yn ddiogel a phe nad ystyrid hi'n ddiogel yna, gall y Cyngor gymryd camau priodol megis ei gosod ar ei chefn er sicrhau diogelwch defnyddwyr eraill y fynwent.
5. Disgwylir i'r ymgymwrwr aros o leiaf **wyth mis** ar ôl claddu cyn gosod carreg fedd.

CYFFREDINOL

1. Cedwir cofrestr y fynwent gan y Clerc a gellir ei gweld a chael copi ohoni am dâl o £15.00.
2. Ceidw'r Cyngor yr hawl i adolygu'r rheolau a'r ffioedd yn flynyddol. Gweithredir y fynwent yn unol â Deddf Llywodraeth Leol 1972, yn ogystal ag unrhyw orchymyn a wneir gan Lywodraeth Cynulliad Cymru neu'r Ysgrifennydd Gwladol.

3. Rhaid i blant fod dan ofalaeth oedolyn cyfrifol.
4. Ni chaniateir cŵn ar wahân i rai tywys.
5. Rhoddir copi o'r Rheolau i'r ymgymeryr i'w rhoi i'r teulu.

Mabwysiadwyd: Rhagfyr 13eg, 2011

Adolygwyd a Diweddarwyd: Gorffennaf 2017

**EINIR WYN, Clerc Cyngor Cymuned Llanengan, Fferm Cae Du, Aber-soch, PWLLHELI,
Gwynedd. LL53 7HT Ffôn: (01758) 712434; E-bost: caedu@dialstart.net**